

**A' brosnachadh proifeiseantachd
teagaisg aig ìre an t-saoghail**

gtc
ALBA
COMHAIRLE CHOITCHEANN
TEAGAISG NA H-ALBA

An inbhe airson ionnsachadh proifeiseanta fad dhreuchd

Inbhe Proifeiseanta Mòr-mhiannach airson Tidsearan na h-Alba

Achdachadh Foirmeil 2 Lùnastal 2021

Clàr-innse

Ro-ràdh	3
1 A bhith nad thidsear ann an Alba	4
1.1 Luachan Proifeiseanta	4
1.2 Dealas Proifeiseanta	5
1.3 An Inbhe airson Ionnsachadh Proifeiseanta Fad Dhreuchd	6
2 Eòlas agus Tuigse Proifeiseanta	7
2.1 An Curraicealam agus Eòlas-teagaisg	7
2.2 Uallachaidhean Proifeiseanta	8
3 Sgilean agus Comasan Proifeiseanta	9
3.1 An Curraicealam agus Eòlas-teagaisg	9
3.2 An Co-theacsa Ionnsachaidh	10
3.3 Ionnsachadh Proifeiseanta	11

Ro-ràdh

Inbhean Proifeiseanta airson Tidsearan ann an Alba

Tha Luachan Proifeiseanta le dealas proifeiseanta aig an cridhe a' toirt taic agus ag adhartachadh com-pàirteachas, ceannardas, feòrachadh agus ionnsachadh proifeiseanta. Tha iad a' toirt cunntas air proifeiseantachd thidseir ann an Alba, ar 'dòigh-beatha'. Tha iomadh adhbhar airson Inbhean Proifeiseanta airson tidsearan ann an Alba:

- cànan co-roinnte a chruthachadh airson proifeiseantaich teagaisg;
- mar shlat-tomhais airson comas proifeiseanta;
- gus proifeiseantachd a leasachadh agus àrdachadh;
- gus taic a thoirt do fhàs proifeiseanta fad-dhreuchd;
- gus frèam-obrach a thoirt do Thùs Fhoghlam Thidseir, slighean agus prògraman pròbhaidh agus ceannardais; agus
- gus dèanamh cinnteach agus àrdachadh inbhean poblach agus misneachd sa phroifeisean teagaisg.

Chaidh Inbhean Proifeiseanta airson tidsearan a stèidheachadh an toiseach ann an Alba ann an 2000. Chaidh an ath-leasachadh ann an 2012 agus an achdachadh ann an 2013 mar mhodail bun-bheachdail de phroifeiseantachd thidsear le taic bho bhith a' toirt a-steach an **Ùrachadh Proifeiseanta**. Thòisich conaltradh gus lèirmheas a dhèanamh air Inbhean Proifeiseanta 2012 ann an 2017 agus chrìochnaich e ann an seata ath-ùraichte agus ath-structaraichte de Inbhean Proifeiseanta le ceann-latha achdachaidh de 2 Lùnastal 2021.

Is e an **Inbhe airson Clàradh Sealadach an t-slat-tomhais** de chomas a thathar a' sùileachadh bho oileanaich a tha gu bhith nan tidsearan aig deireadh Tùs Fhoghlam Thidseir a tha a' sireadh clàradh sealadach le Comhairle Choitcheann Teagasg na h-Alba (GTC Alba). **Tha an Inbhe Phroifeiseanta seo a' cur an cèill na thathar a' sùileachadh bho neach a tha gu bhith na t(h)idsear ann an Alba.**

Is e an **Inbhe airson Làn Chlàradh** bun-stèidh nan Inbhean Proifeiseanta agus is e an **t-slat-tomhais** den chomas a dh'fheumas gach tidsear clàraichte ann an Alba. Is e an Inbhe Phroifeiseanta seo an geata chun a' phroifeisein agus tha e a' co-shuidheachadh nan inbhean teagaisg san urrainn do mhisneachd a bhith aig luchd-ionnsachaidh, pàrantan, am proifeisean e fhèin agus a' choimhearsnachd san fharsaingeachd. **Tha an Inbhe Phroifeiseanta seo a' gabhail a-steach na tha e a' ciallachadh a bhith nad thidsear ann an Alba.**

Tha **An Inbhe airson Ionnsachadh Proifeiseanta Fad Dhreuchd** a' tabhann frèam-obrach **àrd-mhiannach agus leasachail** do thidsearan. Tha e ag innse mun t-sàr eòlas proifeiseanta agus an ealantas oide-eòlach a bu chòir do thidsearan clàraichte a leasachadh agus a chumail suas fhad 's a tha iad a' leantainn orra a' dèanamh adhartas sa phroifeisean teagaisg agus foghlaim. **Tha an Inbhe Phroifeiseanta seo a' toirt taic do fhàs proifeiseanta thidsearan ann an Alba.**

Tha an **Inbhe airson Ceannardas sa Mheadhan** agus an **Inbhe airson Ceannas** a' tabhann frèam-obrach **mòr-mhiannach agus leasachail** do thidsearan ann an/no a' beachdachadh air dreuchdan ceannardais. Tha iad a' cur an cèill an lèirsinn ro-innleachdail, an t-eòlas agus an tuigse phroifeiseanta, sgilean agus comasan eadar-phearsanta agus eisimpleirean eadar-phearsanta a tha a' toirt taic do thidsearan ann an dreuchdan ceannardais. **Tha na h-Inbhean Proifeiseanta sin a' toirt frèam-obrach airson fàs proifeiseanta do thidsearan ann an dreuchdan ceannardais.** Mar sin, tha cuid de dh'adhbharan eile nan cois:

- taic airson fèin-luachadh agus meòrachadh do thidsearan ann, agus mòr-mhiannach a bhith ann, an dreuchdan foirmeil ceannardais nar sgoiltean;
- a' cur ris a' phròiseas a bhith a' trusadh agus a' taghadh; agus
- a' cur ri conaltradh mu cheannardas agus rianachd.

Tha adhbhar a bharrachd an cois an **Inbhe airson Ceannas** a bhith na riatanas do thidsearan a tha air am fastadh gu maireannach ann an dreuchdan Ceannard-sgoile bhon Lùnastal 2020.

Tha am pasgan de Inbhean Proifeiseanta air an stèidheachadh air na cuspairean eadar-eisimeileach de luachan proifeiseanta, ionnsachadh airson Seasmhachd agus ceannardas. Tha na h-Inbhean Proifeiseanta a' tabhann an fhrèam-obrach airson nan tidsearan air fad ann an Alba am proifeiseantachd àrdachadh agus dèanamh cinnteach à dèine agus dùbhlán a tha a' toirt taic do phroifeisean fulangach agus comasaichte a tha misneachail sna sgilean, eòlas agus luachan air a bheil feum gus daoine òga ann an Alba a chomasachadh gus sgilean a leasachadh ann an ionnsachadh, beatha agus obair.

Tha Inbhean Proifeiseanta Alba gu gnìomhach a' toirt taic, a' gabhail ri agus ag adhartachadh prionnsabalan agus cleachdaidhean seasmhachd thar gach taobh. Tha seo a' ciallachadh a bhith a' tuigse agus a' cur luach air àrainneachd, cultar agus dualchas, a' leasachadh faireachdainn de àite agus buntanas ri coimhearsnachd ionadail, nàiseanta agus cruinneil. Tha e cuideachd a' ciallachadh ceangal làidir a bhith ann ris an t-saoghal nàdarra agus a bhith a' tuigsinn cudromas nan taghaidhean a bhios sinn a' dèanamh – an-dràsta agus san àm ri teachd.

Tha na h-Inbhean Proifeiseanta air an ullachadh ann an seòrsachan eadar-cheangailte le **Luachan Proifeiseanta** agus **Dealas Proifeiseanta** aig a' chridhe. Tha na h-eileamaidean sin air an ceangal gu nàdarra ri chèile agus chan eil aon taobh neo-eisimeileach bhon fheadhainn eile. Is e an càirdeas eadar-cheangailte seo eadar na seòrsachan air fad a tha a' dèanamh proifeiseantachd an tidseir comasach agus a tha a' leantainn air adhart gu gnìomh agus fàs proifeiseanta.

1 A bhith nad thidsear ann an Alba

Tha an saoghal againn a tha a' sior fhàs eadar-cheangailte agus ag atharrachadh gu luath a' coinneachadh ri iomadh dùbhlán sòisealta, àrainneachdail agus eaconamach, agus tha siostam foghlaim a tha èifeachdach, co-fhreagrach agus in-ghabhalach deatamach ma tha sinn a' dol a dhèiligeadh riutha sin. Tha tidsearan a tha an sàs, meòrachail, cumhachdaichte agus sgileil agus luchd-ionnsachaidh a' gabhail ris an àite a tha aig Alba san t-saoghal, ar n-eachdraidh, ar diofaran agus ar n-iomadachd, ar n-àrainn nàdarra air leth, agus ar cultar stèidhichte air ceartas sòisealta. Tha tidsearan na h-Alba a' cuideachadh ann a bhith a' fighe a-steach modhan-obrach seasmhach agus ceart gu sòisealta gus fàs mar nàisean.

Tha na h-**Inbhean Proifeiseanta** a' mineachadh dè a tha e a' ciallachadh a bhith a' fàs, a bhith agus a bhith a' tighinn air adhart mar thidsear ann an Alba. Tha dealas a thaobh nan **luachan proifeiseanta** de **cheartas sòisealta, earbsa agus treibhdhreas** aig crìdhe nan Inbhean Proifeiseanta agus a' daingneachadh ar càirdeasan, smuaineachadh agus modh-obrach proifeiseanta ann an Alba.

Tha fèin-fhiosrachaidhean foghlaim ar cloinn agus daoine òga air fad air an cumadh leis na luachan proifeiseanta agus nàdair nan daoine a tha an sàs ann a bhith gan oideachadh. Tha luachan iom-fhillte agus is iad na sàr-bheachdan air a bheil tidsearan a' cumadh am modh-obrach mar phroifeiseantaich. A' tòiseachadh le tidsearan mar dhaoine fa leth, tha na luachan a' dol gu ar luchd-ionnsachaidh, ar co-obraichean agus chun t-saoghal sa bheil sinn beò.

Tha luachan proifeiseanta a' cuideachadh ann a bhith a' leasachadh ar dearbh-aithne phroifeiseanta agus tha e stèidhichte air dealas domhainn de fhàs agus sunnd cognatach, sòisealta agus faireachail an luchd-ionnsachaidh air fad. Tha iad a' tabhann na bun-stèidh agus tidsearan a chuideachadh agus a mhisneachadh gus an leanabh slàn fhaicinn no an neach òg agus am feumalachdan. Tha iad bunaiteach do, agus air an comharrachadh tro, ar càirdeasan proifeiseanta, smuaintean agus gnìomhan air fad agus a h-uile càil a tha sinn a' dèanamh gus coinneachadh ris an dealas proifeiseanta mar thidsearan clàraichte le GTC Alba.

Mar phàirt de **phroifeiseantachd thidsear**, feumar luachan proifeiseanta a chur an sàs ann am modh-obrach làitheil taobh a-staigh agus taobh a-muigh an togalaich foghlaim. Bidh iad a' toirt taic dhuinn gus ceistean riatanach fhaighneachd mu theòraidhean foghlaim, poileasaidhean agus modhan-obrach agus gus sgrùdadh a dhèanamh air na beachdan agus na creideamhan againn fhèin. Tha luachan agus an ceangal eadar luachan agus gnìomhan, a' cur feum air meòrachadh tric thar cùrsa dhreuchdan thidsearan mar a bhios an comann agus feumalachdan luchd-ionnsachaidh ag atharrachadh agus mar a tha tuigse a' leasachadh. Tha ar dealas mu ionnsachadh proifeiseanta fad dhreuchd na earrann deatamach de bhith a' leasachadh ar proifeiseantachd. Tha proifeiseantachd feòrachail agus co-obrachail na fhòrsa cumhachdach ann a bhith a' leasachadh buidheann-gnìomha nan tidsearan agus ar dealas a libhrigeadh gus clann, daoine òga, an teaghlaichean agus an coimhearsnachdan a bhith an sàs sa phròiseas foghlaim.

1.1 Luachan Proifeiseanta

Ceartas Sòisealta

Is e ceartas sòisealta a' bheachd gu bheil a h-uile neach airidh air còraichean agus cothroman co-ionann a thaobh eaconamaidh, poilitigs agus gu sòisealta aig an àm seo agus san àm ri teachd.

- Ag adhartachadh slàinte agus sunnd air mo shon fhèin, mo cho-obraichean agus a' chlann agus daoine òga fom chùram.
- A' togail is ag altram dhàimhean deimhinneach sa choimhearsnachd ionnsachaidh a tha a' toirt spèis do daoine fa leth.
- A' gabhail ri luachan cruinneil foghlaim agus sòisealta de sheasmhachd, co-ionannas, cothromas is ceartas agus ag aithneachadh còraichean chloinne.
- A' toirt urram do chòraichean an luchd-ionnsachaidh air fad mar a tha air a mhineachadh ann an Cùmhnantan UN air Còraichean Chloinne (UNCRC) agus an còir a bhith air an gabhail a-steach ann an co-dhùnidhean mu na fèin-fhiosrachaidhean ionnsachaidh aca agus gu bheil gach taobh den t-sunnd aca leasaichte agus a' faighinn taic.
- A' comharrachadh dealas gus a bhith a' cur luchd-ionnsachaidh an sàs ann an cùisean a tha a' dol san t-saoghal gus cur ri fèin-fhiosrachaidhean agus builean ionnsachaidh agus gus a bhith a' brosnachadh ionnsachadh ar slighe gu àm ri teachd nas fheàrr.
- Dealasach mu cheartas sòisealta tro phoileasaidhean is mhodhan-obrach cothromach, trid-shoilleir, in-ghabhalach is seasmhach a thaobh feartan glèidhte, (aois, ciorram, ath-bhuileachadh gnè, com-pàirteachas pòsta is sìobhalta, leatromachd is màthaireachd, cinneadh, creideamh is cràbhachd, feise, gnèitheachd) is com-pàirteachas eadar-roinneil.
- A' cur luach air, cho math ri bhith a' toirt urram do, iomadachd sòisealta, eag-eòlach, cultarail, cràbhach, is cinnidheach, agus ag adhartachadh prionnsabalan agus modhan-obrach leasachadh seasmhach agus saoranachd ionadail is cruinneil don luchd-ionnsachaidh air fad.
- A' comharrachadh dealas ann a bhith a' brosnachadh, agus a' gabhail a-steach luchd-ionnsachaidh air fad, a' tuigsinn buaidh cùl-raointean gnè, sòisealachd, rèis, cultar, cinneadh, creideamh agus eaconamaidh air fèin-fhiosrachaidhean ionnsachaidh, a' gabhail a-steach feumalachdan ionnsachaidh sònraichte agus a' sireadh a bhith a' lùghdachadh bacaidhean a thaobh ionnsachadh.
- A' comharrachadh dealas ann a bhith a' toirt taic do luchd-ionnsachaidh a tha a' fèin-fhiosrachadh no a tha air èiginn fhulang agus clann agus daoine òga a tha air a bhith ann an cùram agus a' tuigsinn uallachaidhean mar phàrant corporra.
- A' tuigsinn agus a' toirt dùbhlán do leth-bhreith sa h-uile riochd, gu sònraichte an fheadhainn a tha air am mineachadh ann an Achd na Co-ionannachd 2010.

Earbsa agus Urram

Is e earbsa agus urram nithean a thathar a' sùileachadh de ghniomhan deimhinneach a tha a' toirt taic do bhith a' togail càirdeas deimhinneach agus a' nochdadh cùram airson feumalachdan agus faireachdainnean nan daoine a tha an sàs agus urram don t-saoghal nàdarra againn agus a stòrasan cuibhrichte.

- Ag adhartachadh agus a' ginealachadh cultar a tha a' toirt meas do chultar agus an cleachdadh beusail de dh'ùghdarras co-cheangailte ri dreuchdan proifeiseanta neach.
- Ag actadh agus a' giùlain ann an dòighean a tha a' leasachadh cultar de earbsa agus urram air do shon fhèin, feadhainn eile agus an saoghal nàdarra.
- A' tuigsinn, ag aithneachadh, agus a' toirt urram do na tha feadhainn eile a' cur ri bhith a' toirt deagh bhuaidh air beatha luchd-ionnsachaidh.
- A' tuigsinn slàinte agus sunnd agus cho cudromach 's a tha càirdeasan deimhinneach agus seaghach gus tabhann agus a' dèanamh cinnteach à àrainn sàbhailte agus tèarainte airson an luchd-ionnsachaidh agus co-obraichean air fad taobh a-staigh feallsanachd a tha coibhneil agus co-fhulangach.
- A' toirt urram do dhiofaran fa leth agus a' toirt taic do thuingse luchd-ionnsachaidh mun deidhinn fhèin, feadhainn eile agus na tha iad a' cur ri leasachadh agus seasmhachd chomann a tha diofraichte agus in-ghabhalach.

Treibhdhreas

Is e treibhdhreas am practas a bhith onaireach agus a' comharrachadh leantainneachd cunbhalach agus neo-cho-rèiteachail ri prionnsabalan làidir moralta agus beusail agus luachan.

- A' comharrachadh coibhneas, onair, misneachd agus gliocas.
- A bhith firinneach agus earbsach.
- A' sgrùdadh gu dìon na creideamhan, luachan agus beachdan proifeiseanta agad fhèin agus aig feadhainn eile ann an co-theacsa co-obrachadh colaisteach.
- A' toirt dùbhlán do ro-bheachd, claon-bheachdan agus modh-obrach proifeiseanta, far a bheil e iomchaidh.

1.2 Dealas Proifeiseanta

Is e a bhith a' dèanamh dealas proifeiseanta a thaobh ionnsachadh agus luchd-ionnsachaidh a tha a' rèir a' mhiann a bhith a' coileanadh saoghal a tha seasmhach agus cothromach a tha a' gabhail a-steach dè a th' ann a bhith nad thidsear ann an Alba. Tha seo a' ciallachadh gum bi tidsearan dealasach mu luachan proifeiseanta agus a' dol an sàs ann an ionnsachadh fad beatha, meòrachadh, rannsachadh, ceannardas a thaobh ionnsachadh agus modh-obrach com-pàirteachail mar phrìomh nithean dem proifeiseantachd. Tha an dealas seo a thaobh ionnsachadh agus fàs proifeiseanta, a thaobh fàs luchd-ionnsachaidh, agus a' cuideachadh ann a bhith a' toirt taic do chom-pàirtichean a thaobh sin, air a chomharrachadh tro dhol an sàs leis gach taobh de mhodh-obrach phroifeiseanta. Tha e air a chomharrachadh tro bhith ag obair gu colaisteach, ann am Beurla no tro mheadhan na Gàidhlig leis na buill air fad sna coimhearsnachdan, ionnsachaidh againn le dealas, so-fhreagarrachd, dìon mheòrachadh agus conaltradh co-cheangailte a tha cuideachail agus proifeiseanta.

Is e bun-phàirt de dhealas proifeiseanta thidsearan a bhith a' tuigsinn feuman an luchd-ionnsachaidh air fad. Tha cuid de chlann agus dhaoine òga aig am faodadh bacadh a bhith orra a thaobh sunnd agus ionnsachadh co-cheangailte ri raon de shuidheachaidhean mar an àrainn ionnsachaidh, suidheachaidhean teaghlach, ciorram no feumalachdan a thaobh slàinte, agus factaran co-cheangailte ri nithean sòisealta agus faireachail. Tha seo a' gabhail a-steach luchd-ionnsachaidh le feumalachdan taic a bharrachd mar: Attention Deficit Hyperactivity Disorder (ADHD) agus Attention Deficit Disorder (ADD); Autism; Developmental Coordination Disorder (Dyspraxia) (DCD); Dyslexia; agus Tourette

syndrome. Tha tidsearan ag aithneachadh, a' faicinn agus a' gabhail ris an luach a tha sa h-uile neach agus tha mothachadh domhainn aca air an fheum a tha ann an eòlas-teagasg a tha a' freagairt air a' chultar. Bidh iad ag àrdachadh co-ionannas agus iomadachd, a' toirt deagh aire do fheumalachdan luchd-ionnsachaidh bho diofar bhuidhnean agus a bhith a' cumail suas còraichean chloinne.

Tha a bhith a' cumail suas luachan proifeiseanta de cheartas sòisealta, earbsa agus urram agus treibhdhreas a' cur feum air dealas a thaobh ceannardas a tha a' brosnachadh misneachd agus mòr-mhiann. Tha an dealas seo mar stèidh do cheannardas ionnsachaidh sa h-uile co-theacsa agus atharrachadh airson leasachadh. Tha e a' cur luach air na tha feadhainn eile a' cur ris, a' toirt dùbhlán do chlaon-bhàidhean agus ro-bheachdan agus a' cur an cèill cnuasachadh breithneach gus a bhith a' tighinn gu co-dhùnaidhean èifeachdach, gus a bhith a' cumail suas agus a' leasachadh càileachd an fhoghlaim agus a bhith a' leantainn air adhart gu builean nas leasaichte airson clann agus daoine òga air fad ann an Alba.

Is e dealas phroifeiseanta thidsearan ann an Alba a bhith a' stiùireadh ionnsachaidh tro:

- bhith a' leasachadh eòlas domhainn de ionnsachadh agus teagasg;
- bhith a' sgrùdadh gu dìon mar a tha an teagasg againn a' toirt buaidh air luchd-ionnsachaidh; agus
- bhith a' cleachdadh fianais gu co-obrachail gus cur ri breithneachadh thidseir agus na h-ath cheumannan airson luchd-ionnsachaidh.

1.3 An Inbhe airson Ionnsachadh Proifeiseanta Fad Dhreuchd

Tha an Inbhe airson Ionnsachadh Proifeiseanta Fad Dhreuchd a' togail air na h-Inbhean airson Clàradh gus frèam-obrach àrd-mhiannach agus leasachail a thabhann do thidsearan gus a dhol air adhart agus an eòlas agus an tuigse phroifeiseanta agus an sgilean agus comasan a bheartachadh. Tha e a' toirt taic do thidsearan leantainn orra a bhith a' tighinn air adhart mar phroifeiseantaich a tha comasach a dhol an sàs mar phroifeiseantaich a tha deas, meòrachail agus sgrùdail a tha comasach a dhol an sàs anns an iom-fhillteachd a tha an cois teagasg agus ionnsachadh, an saoghal a tha a' sior atharrachadh anns a bheil an luchd-ionnsachaidh, agus an saoghal a tha taobh a-muigh am proifeisean agus nam buidhnean stèidhichte a tha na chois, gus cur ri fèin fhiosrachadh ionnsachaidh an luchd-ionnsachaidh air fad. Tha an Inbhe Proifeiseanta seo air a dhealbhadh gus a bhith a' comharrachadh, a' planadh agus a' leasachadh nam feumalachdan ionnsachaidh proifeiseanta aca fhèin agus dèanamh cinnteach à leasachadh leantainneach de mhodh-obrach proifeiseanta fhad 's a tha iad a' dol air adhart tro na dreuchdan aca.

Tha luachan proifeiseanta agus dealas proifeiseanta aig cridhe an Inbhe airson Ionnsachadh Proifeiseanta Fad Dhreuchd. Tha iad deatamach do, agus air an comharrachadh tro, ar càirdeasan agus ar modhan-obrach proifeiseanta air fad. Tha iad aig teis-mheadhan ar libhrigeadh de ionnsachadh agus teagasg de dh'àrd-chàileachd, ag amas air a bhith a' leasachadh bhuilean airson an luchd-ionnsachaidh air fad agus a' cur ri oidhirpean saoghal seasmhach agus cothromach a choileanadh. Tha na càileachdan pearsanta agus proifeiseanta de sheasmhachd agus ceartas sòisealta, treibhdhìreas, earbsa agus urram agus dealas proifeiseanta airson soirbheachas nar saoghal a tha sior fhàs iom-fhillte, eadar-eisimeileach agus ag atharrachadh gu luath.

Tha Ionnsachadh airson So-sheasmhachd air a bhith air a leapachadh san t-seata Inbhean Proifeiseanta gus taic a thoirt do thidsearan ann a bhith a' gabhail gu gnìomhach ri agus a bhith ag adhartachadh prionnsabalan agus modhan-obrach so-sheasmhach sa h-uile taobh don obair. Ann an Alba, is e

làn-chòir do luchd-ionnsachaidh a tha ann an Ionnsachadh airson So-sheasmhachd. Mar sin bidh a h-uile tidsear a' comharrachadh nam modh-obrach, na luachan proifeiseanta, na sgilean, an t-eòlas agus an tuigse agus na gnìomhan a tha a rèir saoghal a tha so-sheasmhach agus co-ionann, mar phàirt de dhealas làn-sgoil agus coimhearsnachd èifeachdach.

Tha an Inbhe airson Ionnsachadh Proifeiseanta Fad Dhreuchd a' gabhail a-steach fòcas air ceannardas thidseir agus ceannardas air agus airson ionnsachadh. Tha a h-uile tidsear na cheannard air ionnsachadh, a tha a' stiùireadh ionnsachadh airson agus còmhla ris a h-uile neach-ionnsachaidh. Tha iad cuideachd ag obair còmhla ri agus a' toirt taic do leasachadh cho-obraichean agus chom-pàirtichean eile. Bu chòir do luchd-stiùiridh aig a h-uile ìre gu gnìomhach a bhith a' gabhail ri modh-obrach so-dhearbhte, làn spionnadh a thaobh Ionnsachadh airson So-sheasmhachd. Tha seo air a dhèanamh comasach le tidsearan a' planadh airson Ionnsachadh airson So-sheasmhachd thar a' churraicealaim, an ionnsachadh proifeiseanta fa-leth agus gu co-obrachail.

Aig teis mheadhan an Inbhe airson Ionnsachadh Proifeiseanta Fad Dhreuchd tha am prionnsabal bunaiteach de rannsachadh neach-cleachdaidh. Tha seo a' gabhail a-steach tidsearan aig a bheil nàdar ceasnachail le bhith a' smaoinichadh gu breitheil agus a' ceasnachadh creideamhan, ro-bheachdan, luachan agus modhan-obrach. Leanaidh tidsearan orra a' leasachadh eòlas gus cur ri, adhartachadh agus a bhith a' stiùireadh fèin-fhiosrachaidhean ionnsachaidh an luchd-ionnsachaidh air fad agus a bhith ag obair gu co-obrachail leis an co-obraichean. Tha an tidsear, mar fhìor-eòlaiche làidir agus an sàs fosgailte ri atharrachadh agus a' dol an sàs le beachdan agus modhan ùra airson ionnsachadh agus teagasg a tha a' tighinn gu bith sna co-theacsan curraicealaim agus eòlas-teagaisg a tha sior atharrachadh anns a bheil ionnsachadh agus teagasg a' gabhail àite ann am foghlam Beurla agus tro mheadhan na Gàidhlig.

Tha e deatamach gu bheil ionnsachadh proifeiseanta fad dhreuchd a' faighinn taic èifeachdach agus rianail bho **Lèirmheas agus Leasachadh Proifeiseanta (PRD)** agus **pròiseasan Ùrachadh Proifeiseanta**.

2 Eòlas agus Tuigse Proifeiseanta

2.1 An Curraicealam agus Eòlas-teagaisg

2.1.1 Tuigse leasaichte agus fiosraichte gu breithneach a bhith aig neach mu Eòlas-teagaisg agus Teòraidhean Ionnsachaidh agus Modh-obrach Proifeiseanta

Eisimpleirean Proifeiseanta

Mar thidsear comasach tha tuigse àrdaichte agus air a dheagh fhiosrachadh agad de:

- irean luchd-ionnsachaidh a thaobh leasachadh cognatach, sòisealta, fiosaigeach agus inntinn-eòlach agus fios mun dòigh san tèid am fiosrachadh seo a chleachdadh gus taic a thoirt do shunnd gach neach-ionnsachaidh;
- modhan-obrach a thaobh eòlas-teagaisg agus modh-obrach: measadh, ionnsachadh agus teagasg agus an curraicealam far a bheil e iomchaidh a' gabhail a-steach tro mheadhan na Gàidhlig agus Ionnsachadh airson Seasmhachd;
- na co-theacsan agus àrainnean as iomchaidh airson ionnsachadh, a' gabhail a-steach ionnsachadh air a' bhlàr a-muigh, agus mar a thèid eòlais-teagaisg iomchaidh a chur an cèill airson nan àrainnean sin;
- modhan-obrach ùr-ghnàthasach agus com-pàirteachail airson luchd-ionnsachaidh le feumalachdan taic a bharrachd;
- teicneòlasan didseatach gus taic a thoirt do ionnsachadh;
- fìor-bhrìgh mu agus modhan-obrach ann an ceannardas de leasachadh curraicealaim agus modhan-obrach eòlasan-teagaisg; agus
- mar a thèid cunntas deatamach a ghabhail mu cho-theacsa gnè, sòisealta, cultarail, cinnidh, eitnigeach, cràbhach agus eaconamach luchd-ionnsachaidh agus mar a thèid modhan-obrach atharrachadh dha rèir.

2.1.2 Tuigse leasaichte agus fiosraichte gu breitheil de Rannsachadh agus Dol an Sàs ann an Rannsachadh Neach-cleachdaidh

Eisimpleirean Proifeiseanta

Mar thidsear comasach tha tuigse àrdaichte agus air a dheagh fhiosrachadh agad mu:

- mar a gheibh thu cothrom air agus a chuireas tu an sàs lorgaidhean iomchaidh bho rannsachadh foghlamach agus cur ri bhith a' rannsachadh eòlas ann an raointean sa bheil ùidh;
- rannsachadh neach-cleachdaidh mar an t-seasamh a thaobh an ionnsachadh proifeiseanta agad fhèin, air leth no gu co-obrachail, gus dùbhlann a thoirt agus gus cur ri modh-obrach proifeiseanta (eòlas-teagaisg, ionnsachadh agus eòlas mu chuspair); agus
- raon de dhòighean-obrach rannsachaidh, diofar dhòighean/innealan airson a bhith a' cruinneachadh dàta, iomchaidh a thaobh a' cheist/co-theacsa an rannsachaidh.

2.1.3 Tuigse leasaichte agus fiosraichte gu breitheil de Dheilbh Curraicealaim

Eisimpleirean Proifeiseanta

Mar thidsear comasach tha tuigse àrdaichte agus air a dheagh fhiosrachadh agad mu:

- phrionnsabalan làithreach (ionadail agus nàiseanta) de dheilbh curraicealam agus measadh;
- mar a thèid mineachadh agus anailis a dhèanamh air poileasaidh làithreach mu dheilbh agus measadh curraicealaim gus dèanamh cinnteach gu bheil luchd-ionnsachaidh a' faighinn eòlas air curraicealam a tha a rèir am feumalachdan;
- luach a bhith ag ionnsachadh taobh a-muigh crìochan raoin a' churraicealaim/a' chuspair agus cuspairean thar-churraicealaim, me litearrachd, àireamhachd, slàinte agus sunnd, Ionnsachadh airson Seasmhachd agus litearrachd didseatach;
- na sgilean agus na comasan a tha ann an litearrachd didseatach thidsearan agus eòlas a bhith aca a bhith a' leabachadh teicneòlasan didseatach gus teagasg agus ionnsachadh àrdachadh;
- am feum a tha ann gus fèin-fhiosrachaidhean luchd-ionnsachaidh le feumalachdan taic a bharrachd atharrachadh agus àrdachadh; agus
- am feum a tha ann sgrùdadh a dhèanamh agus gabhail ri raon farsaing de theicneòlas an agus àiteachan ionnsachaidh taobh a-staigh agus taobh a-muigh a' chlasrum, a' gabhail a-steach ionnsachadh air a' bhlàr a-muigh.

2.1.4 Tuigse leasaichte agus fiosraichte gu breitheil de Phlanadh airson Measadh, Teagasg agus Ionnsachadh**Eisimpleirean Proifeiseanta**

Mar thidsear comasach tha tuigse àrdaichte agus air a dheagh fhiosrachadh agad mu:

- dhòighean-obrach a thaobh eòlas-teagaisg agus modh-obrach: measadh, ionnsachadh agus teagasg agus curraicealam;
- cho-theacs gach neach-ionnsachaidh a thaobh gnè, sòisealta, cultarail, cinneadh, eitnig, cràbhach agus eaconamach agus mar a thèid modhan-obrach atharrachadh ann an dòigh iomchaidh;
- fheartan co-theacsan ionnsachaidh in-ghabhalach a tha a' brosnachadh agus a' cur luach anns gach neach-ionnsachaidh; mar a thèidear an sàs ann an raon de litreachas, rannsachadh agus poileasaidh agus mar a thèid seo a
- chleachdadh fa leth agus gu co-obrachail gus modh-obrach fhiosrachadh a luachadh agus analaiseadh;
- dhòighean-obrach fa leth agus co-obrachail a thaobh leasachadh curraicealaim agus modhan-obrach eòlas-teagaisg;
- dhòighean-obrach agus modhan-obrach air an cleachdadh gus dàimhean deimhinneach agus le adhbhar a dhèanamh cothromach airson gach neach-ionnsachaidh gus conaltradh a dhèanamh agus taic a thoirt don adhartas tro fhios air ais brìghmhor agus na h-ath cheumannan air an aontachadh; agus
- na co-theacsan agus àrainnean as iomchaidh airson ionnsachadh agus mar a thèid na h-eòlasan-teagaisg as iomchaidh a chur an sàs airson nan àrainnean sin.

2.2 Uallachaidhean Proifeiseanta**2.2.1 Tuigse leasaichte agus fiosraichte gu breitheil de Shìostaman Foghlaim****Eisimpleirean Proifeiseanta**

Mar thidsear comasach tha tuigse àrdaichte agus air a dheagh fhiosrachadh agad mu:

- mar a bheachdaicheas tu agus mar a cheasnaicheas tu buadhan nàiseanta agus eadar-nàiseanta mu phoileasaidh foghlaim, leasachadh modhan-obrach agus sìostaman;
- frèaman-obrach, sìostaman agus pròiseasan gus taic agus àrdachadh a thoirt do phroifeiseantachd thidseir;
- co-theacs poileasaidh làithreach agus mar a tha sin a' toirt buaidh air atharrachadh foghlamach agus teagasg agus ionnsachadh agus ceanglaichean brìghmhor gus fhiosrachadh agus atharrachadh modh-cleachdaidh;
- mar a nithear cinnteach à cultar a tha ag aithneachadh agus a' tuigsinn còraichean chloinne agus dhaoine òga air fad agus anns a bheil gach neach-ionnsachaidh gu brìghmhor an sàs ann an co-dhùnaidhean co-cheangailte ris an ionnsachadh agus an sunnd; agus
- chlaon-bhreitheadh agus am buaidh air daoine agus air modhan-obrach agus mar a thèid iad sin a chomharrachadh agus a thèid dùbhlann a thoirt dhaibh.

2.2.2 Tuigse leasaichte agus deagh fhiosraichte de Choimhearsnachdan Ionnsachaidh**Eisimpleirean Proifeiseanta**

Mar thidsear comasach tha tuigse àrdaichte agus air a dheagh fhiosrachadh agad de:

- dhreuchdan agus uallachaidhean thidsearan ann a bhith a' stèidheachadh dàimhean deimhinneach thairis air a' choimhearsnachd ionnsachaidh agus mar a bheirear taic, leasachadh agus seasmhachd fa leth agus gu co-obrachail do na dàimhean sin;
- choimhearsnachdan ionadail agus nas fharsainge agus mar a tharraingeas tu orra sin gus fèin-fhiosrachaidhean ionnsachaidh gach neach-ionnsachaidh a bheartachadh; agus
- na co-theacsan agus iom-fhillteachd sa bheil tidsearan ag obair agus na dreuchdan fiùghanta agus iom-fhillte a tha aig proifeiseantaich ann an coimhearsnachd an fhoghlaim a' gabhail a-steach foghlam tro mheadhan na Gàidhlig far a bheil sin iomchaidh.

3 Sgilean agus Comasan Proifeiseanta

3.1 An Curraicealam agus Eòlas-teagaisg

3.1.1 Planadh èifeachdach gus coinneachadh ri feumalachdan luchd-ionnsachaidh

Eisimpleirean Proifeiseanta

Mar thidsear comasach tha thu gu cunbhalach a' comharrachadh nan sgilean àrdaichte agus na comasan ag obair leat fhèin agus gu com-pàirteachail gus:

- raon de mhodhan-obrach a chleachdadh gus planadh agus atharrachadh teagasg agus/no tuilleadh measaidh;
- planadh agus atharrachadh ionnsachadh, teagasg agus measadh, gus coinneachadh ri feumalachdan gach neach-ionnsachaidh:
 - le feallsanachd fiosraichte gu dìon a thaobh nan gnìomhan a chaidh a choileanadh;
 - a' gabhail a-steach co-theacsa gnè, sòisealta, cultarail, cinneadh, eitnig, cràbhach agus eaconamach;
 - a' cleachdadh stòrasan, àrainnean agus teicneòlas an iomchaidh;
- stiùireadh modh-obrach eòlas-teagaisg le tuigse domhainn fiosraichte de dh'adhbharan agus pròiseasan ionnsachaidh; agus
- planadh ionnsachadh a tha cruthachail, seasmhach agus a tha a' gabhail làn chunntas air a' bhuidhe air na stòrasan.

3.1.2 Cleachdadh modhan-obrach agus stòrasan eòlas-teagaisg gu dìon agus gu h-èifeachdach

Eisimpleirean Proifeiseanta

Mar thidsear comasach tha thu gu cunbhalach a' comharrachadh nan sgilean àrdaichte agus na comasan ag obair leat fhèin agus gu com-pàirteachail gus:

- eòlas domhainn air cuspair achdachadh agus ceannardas eòlas-teagaisg ;
- cleachdadh eòlasan-teagaisg fiosraichte le rannsachadh agus stòrasan air an luachadh gu breitheil gus:
 - fèin-fhiosrachaidhean ionnsachaidh àrd-chàileachdail a libhrigeadh airson gach neach-ionnsachaidh; agus
 - taic a thoirt do gach ionnsachaidh a bhith feòrachail agus an sàs len ionnsachadh a' cleachdadh cuspairean bhon t-saoghal mun cuairt far a bheil sin iomchaidh;
- cleachdadh fèin-luachadh dìon agus breitheach, meòrachadh agus sgrùdadh a' gabhail a-steach mar a thèid sgrùdadh agus rannsachadh gu h-eitigeach a' bhuidhe air gach neach-ionnsachaidh agus air modh-obrach proifeiseanta; agus
- cruthachadh cothroman airson ionnsachadh gu bhith cruth-atharrachachail a thaobh ro-bheachdan dùbhlanaich agus a' leudachadh beachdan an luchd-ionnsachaidh mun t-saoghal.

3.1.3 Cleachdadh com-pàirteachasan airson ionnsachadh agus sunnd gu dìon agus gu h-èifeachdach

Eisimpleirean Proifeiseanta

Mar thidsear comasach tha thu gu cunbhalach a' comharrachadh nan sgilean àrdaichte agus na comasan ag obair leat fhèin agus gu com-pàirteachail gus:

- tuilleadh leasachaidh agus brosnachaidh a dhèanamh de chultar far a bheil luchd-ionnsachaidh a' com-pàirteachadh gu bhricmhor ann an co-dhùnaidhean co-cheangailte ris an ionnsachadh, sunnd agus a' choimhearsnachd ionnsachaidh aca;
- obrachadh gu h-èifeachdach len co-obraichean, pàrantan/luchd-cùraim, a' choimhearsnachd ionnsachaidh nas fharsainghe agus buidhnean com-pàirteachais gus ionnsachadh agus teagasg a bheartachadh agus taic a thoirt do shunnd nan uile, thairis air a' choimhearsnachd ionnsachaidh; agus
- cruthachadh agus leasachadh agus cumail suas com-pàirteachasan a bhios:
 - toirt taic do bhith a' tighinn gu co-dhùnadh a tha co-chòrdail ri àm ri teachd a tha seasmhach ann an saoghal a tha ceart agus cothromach;
 - ceangal luchd-ionnsachaidh ris an eisimeileachd aca ris an t-saoghal nàdarra agus leasaich am faireachdainn ceangal a bhith aca an dà chuid ris a' choimhearsnachd ionadail agus chruinneil; agus
 - ceangal iomchaidheachd ionnsachaidh ri sgilean airson beatha, ionnsachadh agus obair.

3.1.4 Measadh, luachadh adhartais, clàradh agus aithris a chleachdadh gu dìon agus gu h-èifeachdach mar earrann deatamach den phròiseas teagaisg gus taic agus àrdachadh a thoirt do ionnsachadh

Eisimpleirean Proifeiseanta

- Mar thidsear comasach tha thu gu cunbhalach a' comharrachadh nan sgilean àrdaichte agus na comasan ag obair leat fhèin agus gu com-pàirteachail gus:
- dèanamh cinnteach gu bheil fiosrachadh measadh foirmeil agus deireannach air a chleachdadh gu h-èifeachdach gus ionnsachadh agus teagasg fhiosrachadh agus gu bheil e air a chlàradh gu co-rèireach agus gu h-iomchaidh;
 - luachadh gu breithneach agus cleachdadh raon de ro-innleachdan diofraichte a tha a' dèanamh cinnteach à taic agus dùbhlann airson gach neach-ionnsachaidh;
 - cur an sàs nam prionnsabalan, poileasaidhean agus modhan-obrach, a' gabhail a-steach feadhainn a tha riatanach do bhuidhnean duaiseachaidh agus creideasachaidh;
 - taghadh/deilbh, cleachdadh agus luachadh measadh ùr-ghnàthasach, so-fhreagrach, modhan-obrach agus ro-innleachdan, le raon de chom-pàirtichean iomchaidh;
 - a dhol an sàs le pròiseasan cuimseachd agus dearbhaidh gus fiosrachadh èifeachdach a chur ri eòlas-teagaisg, adhartas sgoilear, làn-sgoil agus siostam leasachaidh;
 - cur ri/deilbh ro-innleachdan clàraidh èifeachdach gus glacadh agus anailiseadh dàta iomchaidh agus co-rèireach a tha:
 - a' tabhann fios air ais/fios air adhart brìghmhor do luchd-ionnsachaidh;
 - a' toirt taic do chlàradh brìghmhor de dh'adhartas luchd-ionnsachaidh do phàrantan/luchd-cùraim, teaghlachan agus com-pàirtichean;
 - cur ris a' bhunait fianais a tha air a cleachdadh gus cur ri ionnsachadh agus teagasg, sgoil agus siostam leasachadh ìre; agus
 - breithneachadh proifeiseanta a chleachdadh a thaobh fianais a chaidh a chruinneachadh gus cur ri measadh deireannach.

3.2 An Co-theacsa Ionnsachaidh

3.2.1 Ionnsachadh a rianachd agus a riaghladh-gu dìon agus gu h-èifeachdach

Eisimpleirean Proifeiseanta

- Mar thidsear comasach tha thu gu cunbhalach a' comharrachadh nan sgilean àrdaichte agus na comasan ag obair leat fhèin agus gu com-pàirteachail gus:
- cruthaich agus cùm suas àrainn ionnsachaidh in-ghabhaltach, brosnachail, làn adhbhar agus fiùghanta a tha a' tabhann taic agus dùbhlann iomchaidh don h-uile neach-ionnsachaidh;
 - fèin-fhiosrachaidhean ionnsachaidh ùr-ghnàthasach agus freagarrach a thabhann do luchd-ionnsachaidh le feumalachdan taic a bharrachd;
 - dèanamh cinnteach gu bheil an àrainn ionnsachaidh a' gabhail a-steach gu h-iomlan feumalachdan ionnsachaidh eadar-mheasgte a tha aig luchd-ionnsachaidh;
 - dèanamh cinnteach à cothroman airson com-pàirteachas gnìomhach, fa leth agus gu co-obrachail, airson an luchd-ionnsachaidh air fad;
 - luachadh gu breithneachail, taghadh agus deilbh stòrasan iomchaidh gus dèanamh cinnteach gu bheil ionnsachadh, teagasg agus measadh diofraichte
 - dèanamh cinnteach gu bheil cothrom aig a h-uile neach-ionnsachaidh agus gum faod iad taghadh bho stòrasan air an deagh thaghadh/deagh dheilbh a' gabhail a-steach teicneòlasan didseatach; agus
 - cleachdadh raon de thùsan gus luachadh gu breitheach buaidh an àrainn ionnsachaidh air a h-uile neach agus air an ionnsachadh agus mar a thèid dùbhlann a thoirt do ro-bheachdan, claon-bhàidh agus solar atharrachadh mar a bhios iomchaidh.

3.2.2 Com-pàirteachadh neach-ionnsachaidh a chur an sàs gu dìon agus gu h-èifeachdach

Eisimpleirean Proifeiseanta

- Mar thidsear comasach tha thu gu cunbhalach a' comharrachadh nan sgilean àrdaichte agus na comasan ag obair leat fhèin agus gu com-pàirteachail gus:
- dèanamh cinnteach gu bheil cothroman brìghmhor air an tabhann airson com-pàirteachadh gnìomhach luchd-ionnsachaidh mun fhoghlam aca agus anns a bheil luchd-ionnsachaidh ag aithneachadh gu bheil an tabhartasan air an aithneachadh agus air an luachadh;
 - meadhanan eile a leasachadh airson a bhith a' dèanamh cinnteach gu bheil com-pàirteachas ann a tha a' gabhail làn chunntas de fheumalachdan taic a bharrachd aig luchd-ionnsachaidh; agus
 - cleachdadh raon de mhodhan-obrach gus com-pàirteachas gnìomhach àrdachadh a tha:
 - gabhail ri iomadachd;
 - a' dèanamh cinnteach gu bheil luchd-ionnsachaidh a' faireachdainn gu bheil fàilte air a chur orra, air an gabhail a-steach, air an luachadh, sàbhailte agus air an àrach; agus
 - a' gabhail a-steach comharran sunnd, leasachadh leanabachd agus buaidh fèin-fhiosrachaidhean leanabais.

3.2.3 Togail dàimhean deimhinneach urramach a thaobh ionnsachadh

Eisimpleirean Proifeiseanta

Mar thidsear comasach tha thu gu cunbhalach a' comharrachadh nan sgilean àrdaichte agus na comasan ag obair leat fhèin agus gu com-pàirteachail gus:

- adhartachadh, leasachadh agus cumail suas dàimhean deimhinneach a tha a' toirt taic do fheòrachas, brosnachadh agus dol an sàs luchd-ionnsachaidh len ionnsachadh;
- cruthachadh àrainn ionnsachaidh far a bheil gach neach-ionnsachaidh a' faireachdainn sàbhailte, luachaichte agus air an gabhail a-steach agus a tha a' toirt spèis dhaibh fhèin, càch a chèile, an suidheachadh agus an saoghal nàdarra;
- adhartachadh agus leasachadh dòighean conaltraidh èifeachdach a tha a' toirt buannachd do luchd-ionnsachaidh le feumalachdan taic a bharrachd; agus
- cleachdadh raon farsaing de mhodhan-obrach fiosraichte le rannsachadh gus leasachadh agus cumail suas dàimhean deimhinneach thairis air a' choimhearsnachd ionnsachaidh.

3.3 Ionnsachadh Proifeiseanta

3.3.1 Dol an sàs gu breitheach le litreachas, rannsachadh agus poileasaidh

Eisimpleirean Proifeiseanta

Mar thidsear comasach tha thu gu cunbhalach a' comharrachadh nan sgilean àrdaichte agus na comasan ag obair leat fhèin agus gu com-pàirteachail gus:

- lèirmheas, sgrùd agus luach gu dìon raon de litreachas foghlaim, rannsachadh agus poileasaidh gus:
 - ceasnachadh agus dùbhlann a thoirt do ro-bheachdan foghlaim, creideamhan agus luachan a tha agad fhèin agus san t-siostam;
 - a' dèanamh cinnteach gu bheil modh-obrach fiosraichte, ceart agus atharraichte ga rèir;
 - prìomh ionnsachadh ath-achdachadh bho leughadh proifeiseanta agus atharraich gus a bhith a rèir co-theacsan ionadail gus dèanamh cinnteach gu bheil modhan-obrach a rèir breithneachadh foghlaim làithreach gus taic a thoirt do fheumalachdan luchd-ionnsachaidh; agus
 - com-pàirtich ann/no stiùir conaltradh làidir proifeiseanta an dà chuid aghaidh ri aghaidh agus ann an conaltradhean air-loidhne.

3.3.2 Dol an sàs ann am modh-obrach meòrachail gus leasachadh agus toirt air adhart ionnsachadh proifeiseanta fad dhreuchd agus ealantas

Eisimpleirean Proifeiseanta

Mar thidsear comasach tha thu gu cunbhalach a' comharrachadh nan sgilean àrdaichte agus na comasan ag obair leat fhèin agus gu com-pàirteachail gus:

- a dhol an sàs ann am fèin-luachadh de mhodh-obrach ann an dòigh dian fiosraichte le fianais;
- sgrùdadh, anailiseadh agus luachadh buaidh modh-obrach agus atharrachaidhean a dhèanamh a rèir sin;
- a dhol an sàs ann/no stiùireadh rannsachadh luchd-cleachdaidh/luchd-proifeiseanta gus fiosrachadh agus dùbhlann a thoirt do mhodh-cleachdaidh;
- comharraich agus dol an sàs ann an ionnsachadh proifeiseanta brìghmhor fad-dhreuchd, a' gabhail a-steach rannsachadh iar-cheumnach mar iomchaidh agus cumail suas clàr brìghmhor de fhianais mu bhuaidh air neach, co-obraichean agus luchd-ionnsachaidh;
- sealltainn misneachd agus breith phroifeiseanta gus taic agus dùbhlann a thoirt do shiostam leasachaidh tro:
 - bhith a' tuigsinn agus a' sgrùdadh co-theacsan ionadail, nàiseanta agus cruinneil agus an iom-fhillteachd anns a bheil tidsearan ag eadar-obrachadh; agus
 - a' cur ri cultar ionnsachaidh a tha a' toirt taic agus a' comasachadh conaltradh, deasbad agus fios air ais cuideachail proifeiseanta;
- stiùireadh agus cur ri ionnsachadh proifeiseanta de cho-obraichean, a' gabhail a-steach oileanaich agus tidsearan pròbhaidh; agus
- dol an sàs leis a' phròiseas Ùrachadh Proifeiseanta.

A' brosnachadh proifeiseantachd teagaisg aig ìre an t-saoghail

gtc
ALBA

COMHAIRLE CHOITCHEANN
TEAGAISG NA H-ALBA

Comhairle Choitcheann Teagaisg na h-Alba

Taigh Clerwood,
96 Rathad Clermiston,
Dùn Èideann EH12 6UT
Fòn: 0131 314 6000
Facs: 0131 314 6001
Post-d: gtcs@gtcs.org.uk

www.gtcs.org.uk
www.in2teaching.org.uk

